



Vaš vodič na tržištu kapitala!

TRGOVANJE NA INOSTRANIM TRŽIŠTIMA

**Brzo, jednostavno i jeftino
trgujte na bilo kojoj svjetskoj berzi**

Da li ste ikada razmišljali da trgujete na Wall Streetu? Željeli ste da postanete vlasnik akcija Amazona, Google, Coca Cole ili Microsofta? Investiranje u akcije najpoznatijih svjetski kompanija nikada nije bilo bliže.

[Eurobroker a.d. Banja Luka](#), brokersko-dilersko društvo s više od 15 godina iskustva na domaćem tržištu, u saradnji s renomiranom američkom brokerskom kućom, nudi svojim klijentima mogućnost trgovanja i investiranja na više od 100 svjetskih tržišta.

Eurobroker vam omogućava brz, jeftin i jednostavan pristup bilo kojoj svjetskoj berzi uz vršenje brokerskih usluga i usluga investicionog savjetovanja na stranim tržištima. Nudimo vam niske troškove i pouzdano izvršenje posla, pristup iz bilo kojeg dijela svijeta, savremenu tehnološku podršku, pravovremeno izvještavanje i dr.

Prepoznajte i iskoristite povoljnosti i prilike inostranog tržišta.



Šta je potrebno za trgovanje na inostranim tržištima?

Kako biste trgovali na inostranim tržištima potrebno je ispuniti nekoliko uslova.

Prvo, poželjno je da posjedujete određeno znanje i iskustvo na tržištima kapitala. Ukoliko pak ne posjedujete dovoljno znanja i iskustva potrebno je da angažujete investicionog savjetnika.

Drugo, morate biti stariji od 21 godine kako biste otvorili račun na margini ili stariji od 18 godina kako biste otvorili račun u novcu.

Minimalna uplata za otvaranje računa na stranim tržištima je 5.000 USD ili ekvivalent dolarskom iznosu.

Prilikom zaključivanja ugovora za trgovanje na inostranim tržištima potrebno je:

- popuniti Upitnik za definisanje profila klijenta i
- dostaviti dokumentaciju koja potvrđuje podatke o identitetu i datumu rođenja i o adresi stanovanja.

Ukratko o trgovanju na inostranim tržištima

Eurobroker a.d. Banja Luka u saradnji sa svojim partnerom putem platforme za trgovanje vam omogućava trgovanje na najvećim svjetskim berzama.

Trgovanje na inostranim tržištima nudi širok spektar mogućnosti upravljanja portfoliom. Za početak, možete otvoriti jedan od tri različita računa: [gotovinski račun](#), račun [margine](#) i račun [portfolio margine](#). Da biste otvorili gotovinski račun, morate biti stariji od 18, a da biste otvorili račun margine i portfolio margine morate biti stariji od 21 godinu.

Jedna od najprepoznatljivijih odlika svjetskih tržišta jeste prodaja na kratko (short selling). Kako biste koristili ovu mogućnost i bili *day trader*, morate imati otvoren račun margine i minimalno 25.000 USD depozita ili račun portfolio margine s minimalnih 110.000 USD depozita. [Short selling](#) je u suštini pozajmljivanje akcija od brokera i njihova prodaja na tržištu ukoliko se očekuje pad vrijednosti. U tom slučaju, pozajmljene akcije se mogu kupiti po nižoj vrijednosti, vratiti brokeru od kojeg su pozajmljene, a razlika između prodajne i kupovne vrijednosti predstavlja dobitak za klijenta. Naravno, javljaju se i troškovi pozajmljivanja koji se plaćaju brokeru.

Druga, prepoznatljivost inostranih tržišta jeste mogućnost korištenja margine. [Trgovanje na margini](#) podrazumjeva kupovinu većeg broja akcija nego što to uplaćena novčana sredstva dozvoljavaju. Margine na akcije su poprilično velikodušne, a najniža margina iznosi 25%. U praksi to znači da je moguće posjedovati četiri puta veću vrijednost akcija od sredstava kojima klijent zaista raspolaže. Ukoliko vrijednost sopstvenih sredstava pak padne ispod 25%, brokerska kuća upućuje poziv klijentu (margin call)

da reguliše odnose u svom portfoliju i novcu, a ukoliko to klijent ne učini, brokerska kuća će sama povratiti marginu na 25% i to tako što će prodati dio klijentovih akcija. Potrebno je naglasiti da je trgovanje na margini namijenjeno iskusnijim investitorima sa višim nivoom tolerancije rizika.

Klijent, prilikom svake kupovine ili prodaje akcija, ima uvid u početnu marginu i marginu za održavanje. Obračun margine zavisi od toga na kojem tržištu se trguje. Na primjer, ukoliko trgujete na nekoj od američkih berzi, obračun margine je sljedeći:

KUPOVNA POZICIJA

Početna margina i margina za održavanje su iste i računaju se na sljedeći način:

$$\text{broj akcija} * \text{cijena akcije} * 25\%$$

Primjer: Klijent kupuje 100 akcija kompanije Amazon.com Inc po cijeni od 978 USD. Prema formuli za izračunavanje početne margine i margine za održavanje dolazimo do sljedećih podataka.

$$100 * 978 * 25\% = 24.450 \text{ USD}$$

PRODAJNA POZICIJA

Ponovo koristimo gorenavedenu formulu.

Primjer: Klijent prodaje 100 akcija kompanije Amazon.com Inc po cijeni od 978 USD. Početna margina i margina za održavanje imaju sljedeće vrijednosti:

$$100 * 978 * 30\% = 29.340 \text{ USD}$$

Provizije za kupovinu akcija računaju se kao fiksni iznos ili kao procenat od vrijednosti trgovanja.

Obračun provizije za berze na američkom tržištu

Klijent	Fiksni iznos	Minimalni iznos po transakciji	Maksimalni iznos po transakciji
Fizička i pravna lica	0,05 USD po akciji	10,00 USD	2%
Institucionalni investitori	0,025 USD po akciji	5,00 USD	0,4 %

Primjer:

Ukoliko klijent kupuje 100 akcija po cijeni od 15 USD po akciji, provizija će iznositi 10 USD jer je $100 * 0,05$ jednako 5 USD što je niže od minimalne provizije te se stoga naplaćuje 10 USD.

Ukoliko klijent kupuje 1000 akcija po cijeni od 15 USD, provizija je 50 USD jer je $1000 * 0,05$ jednako 50 USD.

Ukoliko klijent kupuje 1000 akcija po cijeni od 0,5 USD provizija je 10 USD jer je $1000 * 0,05$ jednako 50 USD, a to je više od maksimalnog iznosa po transakciji, pa se stoga naplaćuje 10 USD provizije.

Obračun provizije za berze na evropskom tržištu

Na sličan način na koji smo računali proviziju za transakcije na američkim tržištima, računamo i za evropske berze. Fiksni procenat provizije množimo sa brojem akcija po jednom trgovanju ali ovaj put i sa cijenom po akciji, što znači da se provizija obračunava po ukupnoj vrijednosti posla. Ukoliko se dobije iznos ispod minimalnog, računa se minimalni iznos provizije.

Iznose provizije možete pogledati u tabeli ispod. Za većinu evropskih berzi, provizija se računa na isti način i po istim stopama.¹

Klijent	Fiksni iznos	Minimalni iznos po transakciji
Fizička i pravna lica	0,5% po vrijednosti posla	10,00 EUR
Institucionalni investitori	0,35% po vrijednosti posla	10,00 EUR

¹ Za više detalja o provizijama pojedinih evropskih berzi, obratite se Eurobrokeru

ITW - Ino Trader Workstation

Platforma [Ino Trader Workstation](#) (ITW) je aplikacija dizajnirana od strane profesionalnih trejdera i specijalizovana je za trgovanje akcijama, ETF-ovima, obveznicama, opcijama, fjučersima, fondovima i drugim finansijskim instrumentima na preko 100 svjetskih berzi sa samo jednog računara. Platforma ima dva stila prikaza: ITW Mosaic i ITW Classic. ITW aplikacija nudi veliki broj mogućnosti kao što su:

- uvid u cijene i dubinu tržišta (uz određenu naknadu),
- stanje računa i portfolia u realnom vremenu (bez naknade),
- analize tržišta sa pravovremenim informacijama obezbijedene od strane svjetskih lidera iz oblasti finansijskih usluga, poput Bloomberg-a, Reuters-a, itd. (uz određenu naknadu),
- grafikone i alate za analizu istih, alate za mjerenje izloženosti riziku vašeg portfolija (bez naknade), itd.

IWT - Ino Web Trader

Ino Web Trader (IWT), platforma za trgovanje zasnovana na HTML-u, je savršeno rješenje ukoliko volite trgovački interfejs koji je lak za učenje, a koji ipak posjeduje napredne funkcije i alate za trgovanje.

Interfejs sa karticama i modularni dizajn olakšavaju pronalaženje funkcija koje želite koristiti. Tabovi i paneli su jasno označeni kako bi se trgovina odvijala kroz jednostavne postupke. IWT se pokreće preko interneta tako da se možete prijaviti i trgovati sa bilo kog računara bez ikakvih prethodnih preuzimanja.

Naloga možete kreirati s jednim klikom na Bid ili Ask, a za naprednije funkcije možete koristiti Order Management Panel. IWT vam omogućava i brzo kreiranje naloga uz korištenje unaprijed definisanih strategija ili vaših sopstvenih strategija.

Ino Web Trader nudi i niz drugih mogućnosti kao što su tržišni podaci i grafici, napredni alati za trgovanje, novosti i izvještaji kompanija, prilagodljiv interfejs i dr.



Ino Trader Workstation i Ino Web Trader



Vaš vodič na tržištu kapitala!

www.eurobroker.ba
office@eurobroker.ba
Tel: +387 51 230 820
Fax: +387 51 230 836
Viber: +387 66 770 077
Skype: eurobroker2001